



## DE CONSECRATIONE PLURIUM ELECTORUM IN EPISCOPOS.

**B**isepiscopi non debent consecrari, nisi prius constet Consecratori de commissione ejus consecrandi, sive per litteras Apostolicas, si sit extra curiam, sive per commissionem vivæ vocis oraculo, a Summo Pontifice Consecratori factam, si Consecrator ipse sit Cardinalis.

Dies habendæ consecrationis debet esse Dominica, vel Natalitium sanctorum Apostolorum, vel etiam festiva, si Summus Pontifex hoc specialiter indulserit: et tam Consecrator, quam Electi, conveniens est, ut præcedenti die jejurent.

Consecratio, si extra curiam Romanam fiat, in Ecclesia, ad quam dignior ex Electis consecrandis promotus fuerit, aut in illius provincia, si commode fieri poterit, celebretur.

In Ecclesia, ubi fiet consecratio, ornantur duæ capellæ, major pro Consecratore, et minor pro Electis. Et in majori quidem, super altari parato, ut est moris, erit crux in medio, sex candelabra, aut ad minus quatuor. In terra ad gradus altaris erunt tapetia strata, super quibus procumbunt Electi; sed Consecrator, et alii genuflectent.

Paratur etiam in loco propinquo, et congruo credentia pro Consecratore, super quam erit mappa munda; duo candelabra; vasa ad abluendum manus, cum suis mantilibus; vas cum aqua benedicta, et aspersionario; thuribulum cum navicella, cochleari, et incenso, si Officium fit in cantu, alias non; ampullæ cum vino, et aqua pro sacrificio; Calix, hostiaria cum hostiis; medulla panis pro abstergendis manibus; sanctum Chrisma.

Item paramenta omnia Pontificalia, coloris tempori et officio Missæ convenientis, videlicet, sandalia, amictus, alba, cingulum, crux pectoralis, stola, tunica, dalmatica, chirothecæ, planeta, mitra auriphrygiata, annulus Pontificalis, baculus Pastoralis, manipulus, et gremiale.

Item parantur non unum tantum faldistorium ornatum pro Consecratore, sed et alia, quæ opus fuerint, pro inthronizandis Electis in fine. Parantur etiam sedes pro ipsis Electis, et duobus Episcopis Assistentibus; libri Missales, et Pontificales. Consecrator habeat tres Capellanos ad minus, cum superpelliceis, et duos scutiferos ad credentiam.

In capella vero minore pro Electis, quæ a majore debet esse distincta, paratur altare cum cruce, et quatuor, aut saltem duobus candelabris; et super

illud disponantur pro unoquoque Electo, ut singuli proprias habeant, infra-scriptæ res.

Missale, et Pontificale, ac paramenta omnia Pontificalia albi coloris, ut supra pro Consecratore numerata sunt; et ultra illa, pluviale album pro quolibet; et prope altare alia credentia cum mappa munda, vasis ad abluendum manus; et medulla panis ad extergendum manus, et caput.

Ponuntur etiam pro unoquoque ex Electis octo mappulæ ex duabus cannis panni linei subtilis, per medium scissis in longitudinem, quarum duæ sint longitudinis sex palmorum quælibet, aliæ vero sex æqualis sint quantitatis. Et duodecim candelæ, aut saltem octo, unius libræ quælibet, quarum sex aut quatuor super altare Consecrantis, duæ super ejus credentiam, et quatuor, aut duæ super altare Electorum ponuntur.

Parentur etiam Annuli cum gemma benedicendi, et Electis tradendi; ac pectines eburnei. Et quilibet Electus pro Offertorio habere debet intortitia duo, quatuor librarum quodlibet, duos panes magnos, et duo barilia vini; panes, et barilia ornentur: duo, videlicet, videantur argentea, et duo aurea, hinc et inde insignibus Consecratoris, suisque propriis ornata, cum capello vel cruce, vel mitra pro cujusque gradu, et dignitate.

Adsint duo ad minus Episcopi assistentes, qui induuntur rochetto, et si sint Regulares, superpelliceo, amictu, stola, pluviali, (quæ cum reliquis paramentis sint coloris tempori et officio Missæ congruentis,) et mitra simplici alba, et quisque habeat suum Pontificale, et duos Capellanos superpelliceis indutos.

Hora igitur competenti Consecrator, Electi, assistentes Episcopi, et alii, qui consecrationi interesse debent, ad Ecclesiam conveniunt, et Consecrator, facta oratione ante altare, ascendit ad sedem, si sit in Ecclesia sua, vel accedit ad faldistorium in capella sua, juxta cornu Epistolæ præparatum, et ibi de more paratur. Electi vero cum assistentibus Episcopis vadunt ad propriam capellam, et ibi capiunt paramenta opportuna, videlicet: si Missa cantatur, amictum, albam, cingulum, stolam in modum Sacerdotis, et pluviale. Si vero Officium legitur, poterunt, antequam dicta paramenta accipiant, capere sandalia et legere Psalm. *Quam dilécta, etc.* Assistentes etiam Episcopi interim sua paramenta prædicta capiunt.

Omnibus itaque paratis, Consecrator accedit ante altare, et ibi in medio sedet super faldistorium, vertens renes altari. Consecrandi autem, bireto tecti, ducuntur sic parati, medii inter assistentes sibi Episcopos paratos, et mitratos; et cum ante Consecratorem pervenerint, nudato capite, illud profunde inclinando, ei reverentiam faciunt, assistentes vero Episcopi eidem cum mitra caput aliquantulum inclinant.

Tum sedent in sedibus suis ante Consecratorem, hoc modo: Electi contra faciem Consecratoris, ita ut inter eos, et Consecratorem ipsum sit competens distantia. Antiquior Episcopus assistens ad dexteram Electorum, junior ad sinistram; ita tamen, quod ipsi Assistentes ad alterutrum facies vertant. Cum sic locati fuerint, et aliquantulum quieverint, surgunt, Electi sine bireto, et assistentes Episcopi sine mitris, et senior Assistentium versus ad Consecratorem dicit:

**R**euerendissime Pater, póstulat sancta mater Ecclésia Cathólica, ut hos præsesntes Presbýteros ad onus Episcopátus sublevétis.

Consecrator dicit: *Habétis mandátum Apostólicum?*

Respondet Episcopus senior Assistentium: *Habémus.*

Consecrator dicit: *Legátur.*

Tum Notarius Consecratoris accipiens mandatum de manu senioris Episcopi assistentis legit a principio ad finem. Interim sedent omnes, tectis capitibus. Mandato per Notarium perlecto, Consecrator dicit: *Deo grátias.*

Vel, si consecratio fit vigore litterarum Apostolicarum, per quas etiam juramenti per Electos præstandi receptio Consecratori committitur, litteris ipsis lectis, antequam Consecrator aliud dicat; omnes Electi de sedibus suis venientes coram Consecratore, genuflectunt; et eorum prior, ceteris audientibus, legit juramentum de verbo ad verbum, juxta tenorem commissionis prædictæ præstandum, in hunc modum, videlicet:

#### FORMA JURAMENTI.

**E**go **N.** Eléctus Ecclésiæ **N.** ab hac hora in ántea fidélis, et obédiens ero beáto Petro Apóstolo, sanctæque Románæ Ecclésiæ, et Dómino nostro, Dómino **N.** Papæ **N.** suisque successóribus canónice intrántibus. Non ero in consílio, aut consénsu, vel facto, ut vitam perdant, aut membrum, seu capiántur mala captióne, aut in eos violénter manus quomodólibet ingerántur, vel injúriæ áliquæ inferántur, quovis quæsító colóre. Consílium vero, quod mihi creditúri sunt, per se, aut Núntios suos, seu líttas, ad eórum damnum, me sciénte, némini pandam. Papátum Románum, et Regália sancti Petri, adjútor eis ero ad retinéndum, et defendéndum, salvo meo órdine, contra omnem hóminem. Legátum Apostólicæ Sedis ineúndo et redeúndo honorífice tractábo, et in suis necessitatibus adjuvábo. Jura, honóres, privilégia, et auctoritatem sanctæ Románæ Ecclésiæ, Dómini nostri Papæ, et successórum prædictórum, conserváre, deféndere, augére, et promovére curábo. Neque ero in consílio, vel facto, seu tractátu, in quibus contra ipsum Dóminum nostrum, vel eámdem Románam Ecclésiám, áliqua sinístra, vel præjudiciália personárum, juris, honóris, status, et potestátis eórum machinéntur. Et si tália a quibuscúmque tractári, vel procurári nóvero, impédiam hoc pro posse: et quanto cítius pótero, significábo eidem Dómino nostro vel álteri, per quem possit ad ipsíus notítiam perveníre. Régulas sanctórum Patrum, decréta, ordinationes seu dispositiones, reservationes, provisiones, et mandáta Apostólicá, totis víribus observábo, et fáciám ab áliis observári. Hæréticos, schismáticos, et rebélles eidem Dómino nostro, vel successóribus prædictis, pro posse pérsequar, et impugnábo. Vocátus ad sýnodum, véniam, nisi præpeditus fúero canónica præpeditióne. Apostolórum límina síngulis (triénniis \*, vel quadriénniis \*, vel quinquénniis \*, vel decénniis \*) personalíter per me ipsum visítábo; et Dómino nostro, ac successóribus præfátis, ratióne reddam de toto meo pastoráli officio, ac de rebus ómnibus ad meæ Ecclésiæ statum, ad clerí et pópuli disciplínám, animárum dénique, quæ meæ fidei tradítæ sunt, salútem, quovis modo pertinéntibus, et vicíssim mandáta Apostólicá humíliter recípiám, et quam diligentíssime éxsequar. Quod si legítimo impedíméto deténtus fúero, præfáta ómnia adimplébo per certum Núntium ad hoc speciále mandátum habéntem, de grémio mei Capítuli, aut álium in digni-

tate ecclesiástica constitutum, seu alias personatum habentem: aut, his mihi deficientibus, per diocesanum Sacerdotem; et clero deficiente omnino, per aliquem alium Presbyterum sæcularem, vel regularem, spectatæ probitatis, et religionis, de supradictis omnibus plene instructum. De hujusmodi autem impedimento docébo per legítimas probatiónes ad sanctæ Románæ Ecclésiæ Cardinálem Proponéntem in Congregatióne sacri Concílii, per supradictum Núntium transmittédas.

Possessiões vero ad mensam meam pertinentes non vendam, nec donábo, neque impignorábo, nec de novo infeudábo, vel áliquo modo alienábo, étiam cum consénsu Capítuli Ecclésiæ meæ, inconsúlto Románo Pontífice. Et si ad áliquam alienatióne devénero, pœnas in quadam super hoc édita constitutióne conténtas, eo ipso incúrrere volo.

Consecrator in gremio suo librum Evangeliorum ambabus manibus apertum tenens, inferiore parte libri Electis versa, ab eis præstationem hujusmodi juramenti recipit. Et primus omnium is, qui legit illud, adhuc genuflexus, et ipsum textum Evangeliorum ambabus manibus tangens, dicit:

Sic me Deus ádjuvet, et hæc sancta Dei Evangélia.

Mox successive alii omnes Electi unus post alium, similiter genuflexi, et librum, ut supra tangentes, jurant.

Et ego **N.** Eléctus Ecclésiæ **N.** juro in ómnibus, et per ómnia, ut supra, in forma juramenti jam lecta, fácere, et observáre pro Ecclésiá **N.** mihi commíssa.

Sic me Deus ádjuvet, et hæc sancta Dei Evangélia.

Tum et non prius, Consecrator dicit: Deo grátias.

¶ Ad hoc tempus singulorum trienniorum tenentur omnes Patriarchæ, Primates, Archiepiscopi, atque Episcopi Itali, videlicet, vel ex Italicis insulis, unde in Italiam commodius trajici potest; veluti Siculi, Sardi, Corsi, et alii adjacentium provinciarum Italiæ, atque etiam Dalmatiæ et Græcarum, quæ e regione ipsius Italiæ, et Siciliæ oris sunt.

¶ Ad tempus singulorum quadrienniorum, Germani, Galli, Hispani, Belgæ, Bohemi, Hungari, Poloni, Angli, Scoti, Hiberni, et ceteri omnes, qui in Europa sunt citra mare Germanicum, et Balticum, atque omnium Insularum maris Mediterranei.

¶ Ad tempus singulorum quinquenniorum, qui intra Europæ fines sunt his provinciis remotiores, atque etiam Africani littoribus nostris adversi, atque insularum maris Oceani, Septentrionalis, et Occidentalis Europæ, atque Africæ, citra continentem novi orbis, tam qui nunc sunt, quam qui ad Catholicam fidem per misericordiam Dei aliquando redierint.

¶ Ad tempus singulorum decenniorum Asiatici, et qui extra Asiam, et in aliis novis terris Orientalibus, Meridionalibus, Occidentalibus, et Septentrionalibus, tam in Insulis, quam in Continentibus, et denique in quibuslibet mundi partibus existentes.

Deinde surgunt Electi, et cum Assistentibus in locis suis (ut dictum est) sedent tectis capitibus. Consecrator vero intelligibili voce legit sequentem ex-

aminationem, quæ legi debet semper, sicut jacet, in singulari. Assistentes autem Episcopi submissa voce dicunt quæcumque dixerit Consecrator, et omnes debent tunc mitras tenere, et sedere.

### EXAMEN.

**A**ntiqua sanctorum Patrum institutio docet, et præcipit, ut is qui ad Episcopatus ordinem eligitur, antea diligentissime examinetur cum omni caritate, de fide sanctæ Trinitatis, et interrogetur de diversis causis, et moribus, quæ huic regimini congruunt, ac necessaria sunt retineri secundum Apostoli dictum: Manus nemini cito imposueris. Et ut etiam is, qui ordinandus est, erudiatur, qualiter sub hoc regimine constitutum oporteat conversari in Ecclesia Dei; et ut irreprehensibiles sint, qui ei manus ordinationis imponunt. Eadem itaque auctoritate et præcepto, interrogamus te, dilectissime frater, caritate sincera, si omnem prudentiam tuam, quantum tua capax est natura, divinæ Scripturæ sensibus accommodare volueris.

*Tum Electi aliquantulum assurgent nudatis capitibus; et unusquisque separatim ab altero successive respondet:*

*Ita ex toto corde volo in omnibus consentire, et obedire.*

*Et hoc idem servabitur ad omnes alias responsiones sequentes.*

*Interrogat Consecrator.*

**V**is ea, quæ ex divinis Scripturis intelligis, plebem, cui ordinandus es, et verbis docere, et exemplis? *R.* Volo.

*Interrogatio.*

**V**is traditiones orthodoxorum Patrum, ac Decretales sanctæ et Apostolicæ Sedis constitutiones veneranter suscipere, docere, ac servare? *R.* Volo.

*Interrogatio.*

**V**is beato Petro Apostolo, cui a Deo data est potestas ligandi, ac solvendi; ejusque Vicario Domino nostro, Domino *N.* Papæ *N.* suisque successoribus, Romanis Pontificibus, fidem, subjectionem, et obedientiam, secundum canonicam auctoritatem, per omnia exhibere? *R.* Volo.

*Interrogatio.*

**V**is mores tuos ab omni malo temperare, et quantum poteris, Domino adjuvante, ad omne bonum commutare? *R.* Volo.

*Interrogatio.*

**V**is castitatem, et sobrietatem cum Dei auxilio custodire, et docere? *R.* Volo.

*Interrogatio.*

**V**is semper in divinis esse negotiis mancipatus, et a terrenis negotiis, vel lucris turpibus alienus, quantum te humana fragilitas consenserit posse? *R.* Volo.

*Interrogatio.*

**V**is humilitatem, et patientiam in teipso custodire et alios similiter docere? *R.* Volo.

*Interrogatio.*

**V**is pauperibus, et peregrinis, omnibusque indigentibus esse propter nomen Domini affabilis, et misericors? *R.* Volo.

*Tunc eis dicit Consecrator:*

**H**æc omnia, et cetera bona tribuat tibi Dominus, et custodiat vos, atque corroboret in omni bonitate.

*Et respondent omnes: Amen.*

*Interrogatio.*

**C**redis, secundum intelligentiam, et capacitatem sensus tui, sanctam Trinitatem, Patrem, et Filium, et Spiritum sanctum, unum Deum omnipotentem, totamque in sancta Trinitate Deitatem, coessentialem, consubstantialem, coæternam, et coomnipotentem, unius voluntatis, potestatis, et majestatis, creatorem omnium creaturarum, a quo omnia, per quem omnia, et in quo omnia, quæ sunt in cælo, et in terra, visibilia, et invisibilia, corporalia, et spirituality?

*R.* Assentio, et ita credo.

*Interrogatio.*

**C**redis singulam quamque in sancta Trinitate personam unum Deum, verum, plenum, et perfectum? *R.* Credo.

*Interrogatio.*

**C**redis ipsum Filium Dei, Verbum Dei æternaliter natum de Patre, consubstantialem, coomnipotentem, et coæqualem per omnia Patri in divinitate, temporaliter natum de Spiritu sancto ex Maria semper Virgine, cum anima rationali, duas habentem nativitates, unam ex Patre æternam, alteram ex Matre temporalem, Deum verum, et hominem verum, proprium in utraque natura, atque perfectum, non adoptivum, nec phantasmaticum, sed unicum, et unum Filium Dei in duabus, et ex duabus naturis, sed in unius personæ singularitate, impassibilem, et immortalē divinitate, sed in humanitate pro nobis, et pro salute nostra passum vera carnis passione, et sepultum, ac tertia die resurgentem a mortuis vera carnis resurrectione; die quadragésimo post resurrectionem cum carne, qua resurrexit, et anima ascendisse ad cælum, et sedere ad dexteram Patris; inde venturum judicare vivos, et mortuos; et redditurum unicuique secundum opera sua, sive bona fuerint, sive mala?

*R.* Assentio, et ita per omnia credo.

*Interrogatio.*

**C**redis etiam Spiritum sanctum, plenum, et perfectum, verumque Deum, a Patre et Filio procedentem, coæqualem, et coessentialem, coomnipotentem, et coæternum per omnia Patri et Filio? *R.* Credo.

## Interrogatio.

Credis hanc sanctam Trinitatem, non tres Deos, sed unum Deum omnipotentem, æternum, invisibilem, et incommutabilem?

R. Credo.

## Interrogatio.

Credis sanctam, catholicam, et apostolicam, unam esse veram Ecclesiam, in qua unum datur verum baptisma, et vera omnium remissio peccatorum? R. Credo.

## Interrogatio.

Anathematizas etiam omnem hæresim, extollentem se adversus hanc sanctam Ecclesiam catholicam? R. Anathematizo.

## Interrogatio.

Credis etiam veram resurrectionem ejusdem carnis, quam nunc gestas, et vitam æternam. R. Credo.

## Interrogatio.

Credis etiam novi, et veteris Testamenti, legis, et Prophetarum, et Apostolorum, unum esse auctorem Deum, ac Dominum omnipotentem? R. Credo.

## Postea Consecrator dicit:

**H**æc vobis fides augeatur a Domino, ad veram et æternam beatitudinem, dilectissimi fratres in Christo.

Et respondent omnes: Amen.

Expleto itaque examine, præfati assistentes Episcopi ducunt Electos ad Consecratorem, coram quo quilibet e Consecrandis successive genuflexus ejus manum reverenter osculatur. Tunc Consecrator, deposita mitra, cum ministris ad altare conversus, facit, solito more, Confessionem, Electis ab ejus sinistra aliquantulum retro manentibus, et respondentibus; et omnes Episcopi ante sedes suas stantes faciunt similiter Confessionem cum Capellanis suis. Facta itaque Confessione, Consecrator ascendit ad altare; et osculatur illud, et Evangelium in Missa dicendum, et incensat altare, more solito. Deinde vadit ad sedem suam, vel faldistorium, et procedit in Missa usque ad Allelúja, sive ultimum Versum Tractus, vel Sequentiæ exclusive.

Si autem Missa legitur, osculato altari, et Evangelio, omnia incensatione, omnia prædicta legit in altari, et illis dictis, sive Missa legatur, sive cantetur, redit cum mitra ad sedendum in faldistorio, quod ante medium altaris sibi reponitur.

Episcopi vero assistentes ducunt Electos ad propriam capellam, ubi depositis pluvialibus, Acolythy induunt eos, legentes Psalmos, et Orationes consuetas, sandalia, si prius illa non acceperint. Tum eis imponitur crux pectoralis, et stola aptatur, ut ab humeris dependeat. Deinde tunicella, dalmatica, casula, et manipulo induuntur; quibus induti accedunt ad proprium altare, medii inter Episcopos assistentes, ubi stant in medio, et detectis capitibus legunt totum Officium Missæ, usque ad Allelúja, sive ultimum Versum Tractus vel Sequentiæ exclusive; nec vertunt se ad populum cum dicunt: Dominus vobiscum, ut in aliis Missis fieri solet.

Propter Ordinationes Episcoporum numquam mutatur Officium diei: dicitur tamen post Collectam diei pro Officio Consecrationis, Collecta pro Electis, sub uno Per Dominum nostrum, etc.

## Oratio.

**A**desto supplicationibus nostris, omnipotens Deus, ut quod humilitatis nostræ gerendum est ministerio, tuæ virtutis impleatur effectu. Per Dominum nostrum Jesum Christum Filium tuum: Qui tecum vivit, et regnat in unitate Spiritus sancti Deus, per omnia sæcula sæculorum. R. Amen.

Finito Graduali, si Allelúja dicitur, alioquin dicto Tractu vel Sequentia, usque ad ultimum Versum exclusive, Consecrator accedit ad faldistorium ante medium altaris, et ibi sedet cum mitra; assistentes vero Episcopi iterum ducunt Electos ad Consecratorem, cui Electi, deposito bireto, caput profunde inclinant, humilem reverentiam faciunt; Assistentes tamen cum mitris se aliquantulum inclinantes, etiam Consecratorem venerantur. Tum sedent omnes, ut prius; et Consecrator sedens cum mitra, versus ad illos, dicit:

**E**piscopum oportet judicare, interpretari, consecrare, ordinare, offerre, baptizare, et confirmare.

Deinde omnibus surgentibus, Electi deponunt biretum; Consecrator vero, et Assistentes, stantes cum mitra, dicunt ad populum:

**O**remus, fratres carissimi, ut his Electis utilitati Ecclesiæ providens, benignitas omnipotentis Dei gratiæ suæ tribuat largitatem. Per Christum Dominum nostrum. R. Amen.

Et mox Consecrator ante faldistorium suum, et assistentes Episcopi ante sedes suas cum mitris procumbunt: Electi vero prosternunt se a sinistris Consecratoris; ita tamen, ut eidem prior illorum proximior sit: Ministri etiam, atque alii omnes genuflectunt.

Tum cantor, vel, si officium fit legendo, Consecrator incipit Litanias, dicens, Kyrie eléison etc. prosequendo totas, ut in fine hujus Appendicis.

Postquam autem dictum fuerit:

Ut omnibus fidelibus, etc.

R. Te rogamus, audi nos.

Consecrator ab accubitu surgens, ad Electos conversus, baculum Pastorem cum sinistra tenens, dicit sub voce Litaniarum, primo:

Ut hos præsentés Electos bene ✠ dicere digneris.

R. Te rogamus, audi nos.

Secundo dicit:

Ut hos præsentés Electos bene ✠ dicere, et sancti ✠ ficare digneris.

R. Te rogamus, audi nos.

Tertio dicit:

Ut hos præsentés Electos bene ✠ dicere, et sancti ✠ ficare, et conse ✠ crare digneris.

R. Te rogamus, audi nos.

Producendo semper signum crucis super illos: idemque faciunt, et dicunt assistentes Episcopi, genuflexi tamen permanentes.

Deinde iterum procumbit Consecrator; et cantor, seu ipse, qui prius dixit, eas prosequitur usque ad finem.

Ut nos exaudire digneris, etc.

Quibus finitis, surgunt omnes, et Consecrator ante faldistorium suum cum mitra stante, Electi coram eo genuflectunt. Tum Consecrator, accepto libro Evangeliorum, illum apertum, adjuvantibus Episcopis assistentibus, nihil dicens, imponit super cervicem, et scapulas dignioris Electi; ita quod inferior pars libri cervicem capitis Electi tangat, littera ex parte inferiore manente, quem unus ex Capellanis præfati Electi, post ipsum genuflexus, quousque liber ipse eidem Electo in manus tradendus sit, continue sustinet.

Deinde Consecrator et assistentes Episcopi ambabus manibus caput Consecrandi tangunt, dicentes:

**Accipe Spíritum sanctum.**

Et hoc tam in libri, et manuum impositione, quam in verborum prolatione super quolibet Consecrando singulariter agunt, ac repetunt.

Quo facto, Consecrator stans, deposita mitra, dicit:

**P**ropitiare, Dómine, supplicatióibus nostris, et inclináto super hos fámulos tuos cornu grátiae sacerdotális, bene ✠ dictionis tuæ in eos effúnde virtútem. Per Dóminum nostrum Jesum Christum Fílium tuum: Qui tecum vivit, et regnat in unitáte Spíritus sancti Deus:

Deinde extensis manibus ante pectus, dicit:

**Per ómnia sácula sæculórum. R. Amen.**

**V. Dóminus vobíscum. R. Et cum spírítu tuo.**

**V. Sursum corda. R. Habémus ad Dóminum.**

**V. Grátias agámus Dño Deo nostro. R. Dignum et justum est.**

**V**ere dignum, et justum est, æquum et salutáre, nos tibi semper et ubíque grátias ágere, Dómine sancte, Pater omnipotens, ætérne Deus, honor ómnium dignitátum, quæ glóriæ tuæ sacris famulántur ordínibus. Deus, qui Móysen fámulum tuum secréti familiáris affátu inter cétera cœléstis documénta culturæ, de hábitu quoque induménti Sacerdotális instítuens eléctum Aaron mýstico amíctu vestíri inter sacra jussísti, ut intelligéntiæ sensum de exémplicis priórum cáperet secutúra postérítas, ne eruditio doctrínæ tuæ ulli deésset ætáti. Cum et apud véteres reveréntiam ipsa significatiónum spécies obtinéret, et apud nos certióra essent experiménta rerum, quam ænigmata figurárum. Illius namque Sacerdotíi anterióris hábitus nostræ mentis ornátus est; et Pontificálem glóriam non jam nobis honor comméndat véstium, sed splendor animárum. Quia et illa, quæ tunc carnálibus blandiebántur obtúti-bus, ea pótius, quæ in ipsis erant, intelligénda poscébant. Et idcirco his fámulis tuis, quos ad summi Sacerdotíi ministérium elegísti, hanc, quæsumus Dómine, grátiam largiáris; ut quidquid illa velámína in fulgóre auri, in nitóre gemmárum, et in multímоди óperis varietáte signábant, hoc in eórum móribus, actibúque claréscat. Comple in Sacerdotíibus tuis ministérii tui summam; et ornáméntis totíus glorificatiónis instrúctos cœléstis unguénti rore sanctífica.

Si in Romana curia fit Consecratio, Subdiaconus Apostolicus, vel unus ex Capellanis Pontificis ligat caput uniuscujusque Electi cum una ex longioribus mappulis, de octo superius dictis, et Consecrator, stans, versus ad altare, incipit, ac statim genuflectit, prosequentibus ceteris, Hymnum: **Veni, creátor Spíritus,** ut supra. pag. 31.

Finita prima strophá, surgit Pontifex, et sedet in faldistorio ante medium altaris; capit mitram; deponit annulum et chirothecas; resumat annulum; et imponitur ei gremiale a ministris.

Tum pollicem suum dexterum intingit in sanctum Chrisma, et caput prioris Electi coram se genuflexi inungit, formans primo signum crucis per totam coronam, deinde reliquum coronæ liniendo, interim dicens:

**U**ngátur, et consecrétur caput tuum, cœlésti benedictióne, in ór-dine Pontificáli.

Et producens manu dextera tertio signum crucis super caput præfati Electi dicit:

**In nómine Pa ✠ tris, et Fí ✠ lii, et Spíritus ✠ sancti. R. Amen.**

**V. Pax tibi. R. Et cum spírítu tuo.**

Et hoc in persona cujuslibet Electi singulariter facit ac repetit.

Expleta unctione, Pontifex pollicem cum medulla panis paululum abstergit; et finito Hymno prædicto, deposita mitra surgit; et in pristina voce prosequitur, manibus similiter extensis ante pectus, dicens:

**H**oc, Dómine, copióse in caput eórum ínfluat; hoc in oris sub-jécta decúrrat; hoc in totíus córporis extrémá descéndat, ut tui Spíritus virtus et interióra eórum répleat, et exterióra circúm-tegat. Abúndet in eis constántia fidei, púritas dilectiόnis, sincéritas pacis. Sint speciόsi múnere tuo pedes eórum ad evangelizándum pacem, ad evangelizándum bona tua. Da eis, Dómine, ministérium reconciliatiόnis in verbo, et in factis, in virtúte signórum et prodigiórum. Sit sermo eórum, et prædicatiό, non in persuasibílibus humanæ sapiéntiæ verbis, sed in ostensióne spíritus et virtútis. Da eis, Dómine, claves regni cœlórum, ut utántur, non gloriéntur potestáte, quam tríbus in ædificatiόnem, non in destructiόnem. Quodcúmque ligáverint super terram, sit ligátum et in cœlis; et quodcúmque sólverint super terram, sit solútum et in cœlis. Quorum retinúerint peccáta, reténta sint, et quorum remisérint, tu remíttas. Qui maledíxerit eis, sit ille maledíctus; et qui benedíxerit eis, benedictiόnibus repleátur. Sint fidéles servi, et prudéntes, quos constítuas tu, Dómine, super familiam tuam, ut dent illis cibum in témpore opportúno, et exhíbeant omnem hóminem perféctum. Sint sollicitúdine ímpigri, sint spírítu fervéntes, óderint supérbiam, humilitátem ac veritátem díligant, neque eam unquam déserant aut laúdibus aut tímóre superáti. Non ponant lucem ténebras, nec ténebras lucem; non dicant malum bonum, nec bonum malum. Sint sapiéntibus et insipiéntibus debitóres; ut fructum de proféctu ómnium consequántur. Tríbus eis, Dómine, cáthe-